



Nasjonalparkstyret
for Jotunheimen
og Utladalen

Møteprotokoll

Utval: Nasjonalparkstyret for Jotunheimen og Utladalen

Møtestad: Bessheim turisthytte

Dato: 12.09.2024

Tidspunkt: 09:00 - 13:00

Følgjande faste medlemmer møtte:

Namn	Funksjon	Representerer
Leif Solemsli	Leiar	VANG
Harald Sve Bjørndal	Medlem	VÅGÅ
Marit Sletten	Medlem	LOM
Trude Brosvik	Medlem	VLFK
Geir Arve Sandvik	Medlem	LUSTER
Christian Sønstlien	Nestleiar	ÅRDAL

Følgjande medlemmer hadde meldt forfall:

Namn	Funksjon	Representerer
Åse Harjo Øvstegård	Medlem	IFK

Følgjande varamedlemmer møtte:

Namn	Møtte for	Representerer
------	-----------	---------------

Merknader:

For Statens Naturoppsyn møtte Stein Windingstad,

Andre frammøtte:

Namn

Eldrid Nedrelo

Kari Sveen

Underskrift:

Vi stadfestar med underskriftene våre at det som er ført på dei sidene vi har signert i møteboka, er i samsvar med det som blei vedteke på møtet.

Leif Solemsli

Geir Arve Sandvik

Saksliste

Utvalgs- saksnr	Innhold	Lukket	Arkiv- saksnr
ST 33/2024	Godkjenning av innkalling og dagsorden		
ST 34/2024	Referatsaker		
RS	Besseggløpet - Rapport 2024		2023/10483
RS	Jotunheimen NP - Henvendelse angående sikkerhet på Knutshøe - Siri Ann Lorentzen		2024/8417
RS	Vedtak i klagesak om bruk av snøskuter for vurdering av skredfare i Jotunheimen nasjonalpark - Oversending for vurdering		2023/14852
RS	Høring - NOU 2024: 10 - ny motorferdsellov - lov om motorferdsel i utmark og vassdrag		2024/6397
ST 35/2024	Delegerte vedtak		
15/2024	Søknad - Jotunheimen NP - etablering av teltleir med lavvoer vest for Gjende - Stiftelsen Phoenix Haga		2024/5631
16/2024	Delegert vedtak - Endring av dato - Jotunheimen NP - dispensasjon - 2024 - teltleir ved for Gjende - Stiftelsen Phoenix Haga		2024/5631
17/2024	Delegert vedtak - Jotunheimen NP - dispensasjon - motorferdsel - 2024 - barmark - transport til Glitterheim - Lom Pensjonistlag		2024/6984
18/2024	Delegert vedtak - Dispensasjon - Utladalen landskapsvernområde - Bruk av helikopter for transport av stakk til bru - Gravdalen - Årdal Turlag		2024/7025
19/2024	Utladalen LVO - Dispensasjon - 2024 - Uttak av torv til Storeselet - DNT Oslo og Omegn		2023/15221
20/2024	Utladalen LVO - Dispensasjon - 2024 - Uttak av torv til tak på bygninger i Lauvhaugen - Lars Ove Skorpen		2024/7205
21/2024	Delegert vedtak - Jotunheimen NP - Delvis innvilgelse av dispensasjon - 2024 - drone - TV-serie - Lars Monsen besøker nasjonalparker - NRK		2024/7497
22/2024	Delegert vedtak - Jotunheimen NP - dispensasjon - motorferdsel - 2024 - helikopter - transport av vedomn og torv til tak - Gjertvasshytta - Luster Austre Fjellstyre		2024/6936
23/2024	Delegert vedtak - Jotunheimen nasjonalpark - Dispensasjon - 2024 - Bruk av drone for filming - Visit Sognefjord		2024/7552
24/2024	Permit to arrange Troll challenge in Norway in Utladalen on the 15.th of August 2024		2024/6364

25/2024	Delegert vedtak - Utladalen LVO - dispensasjon - motorferdsel - 2024-25 - helikopter - Hytte ved Kyrkjevatnet - Årdal JFF	2024/6026
26/2024	Delegert vedtak - Jotunheimen NP - dispensasjon - motorferdsel - 2024 - båt på Russvatnet - transport i samband skadefelling jerv - Vågå kommune	2024/9406
27/2024	Delegert vedtak - Dispensasjon - Jotunheimen NP - forlenging av løyve til transport av materialar og utstyr	2024/6024
28/2024	Delegert sak - Jotunheimen NP og Utladalen LVO - Dispensasjon - 2024 - Motorferdsel - Helikoptertransport for vedlikehald av bru i Storutladalen - DNT Oslo og Omegn	2024/9210
29/2024	Delegert vedtak - delvis avslag - Jotunheimen NP - Utladalen LVO - drone - produksjon av TV-program - Nordisk Banijay AS	2024/8774
30/2024	Delegert vedtak - Tillatelse - Utladalen landskapsvernområde - 2024 - Transport av utstyr på Vettisvegen til Lauvhaugen - Berit Bruvik	2024/7871
31/2024	Delegert vedtak - Jotunheimen NP - helikopter - etterfylling på Skagastølsbu etter redningsaksjon - DNT Oslo og Omegn	2024/8580
32/2024	Befaringsrapport Status og endringsmelding Nr 2 Memurubu Minikraftverk	2018/618
33/2024	Delegert vedtak - Jotunheimen nasjonalpark - Dispensasjon - 2024 - Merking av løype Spiterstulen/Galdhøpiggen i samband med stafettløp - iProduksjon v/Kristin Skivik	2024/9080
34/2024	Utladalen LVO - dispensasjon - motorferdsel - 2024 - gravemaskin - vedlikehald av høgspenstlinje Vettislinja - Straumnett AS	2024/5896
35/2024	Delegert sak - Dispensasjon - Utladalen landskapsvernområde - 2024 - Motorferdsel - Transport av materialar og utstyr på Vettisvegen - Stokk og Stein AS	2024/9216
36/2024	Delegert vedtak - Tillegg - Utladalen LVO - dispensasjon - Motorferdsel 2024 - oppføring av solcelleanlegg på hytte i Koldedalen - Hydro Energi AS	2023/14705
ST 36/2024	Nasjonalparkstyret for Jotunheimen og Utladalen - Delegeringsreglement	2024/2193
ST 37/2024	Nasjonalparkstyret for Jotunheimen og Utladalen - status og omdisponering av midlar til tiltak - 2024	2023/14151
ST 38/2024	Jotunheimen nasjonalpark - dispensasjon - 2025 - organisert ferdsl - Styggedalsbreen - Bre	2024/9409
ST 39/2024	Jotunheimen NP - Avslag på søknad om dispensasjon - 2025 - Bruk av drone for filming - Visit Sognefjord	2024/7552

ST 40/2024	Jotunheimen NP – dispensasjon – motorferdsel - 2024-2025 - restaurering av gamle Vågåbue - Vågå Fjellstyre	2024/8247
ST 41/2024	Utladalen LVO - Dispensasjon - 2024 - Bruk av torv fra Dovre til tak på bygg i Lauvhaugen - Lars Ove Skorpen	2024/7205
ST 42/2024	Eventuelt	

ST 33/2024 Godkjenning av innkalling og dagsorden

Saksprotokoll i Nasjonalparkstyret for Jotunheimen og Utladalen - 12.09.2024

Vedtak

Innkalling og dagsorden godkjent.

Åse Harjo Øvstegård hadde meldt forfall. Vararepresentant vart innkalla, men heller ikkje han kunne møte. Styret er vedtaksført med 6 møtande representantar.

Geir-Arve Sandvik vart vald til å signere møteprotokollen saman med styreleiar.

ST 34/2024 Referatsaker

Saksprotokoll i Nasjonalparkstyret for Jotunheimen og Utladalen - 12.09.2024

Behandling

RS-9/2024 om sikkerheit på Knutshøe vart gjennomgått i møtet med Rådgevande utval dagen før. Ein ser ikkje grunnlag for å merke ruta. Ved fornying av informasjonsskilta i starten av stien kan ein vurdere eit ekstra skilt ved gjerdeklyvet, i samråd med Vågå fjellstyre.

RS-11/2024 Høring - NOU 2024: 10 - ny motorferdsellov - lov om motorferdsel i utmark og vassdrag

Forvaltarane gav ei kort orientering. Lov om motorferdsel høyrer inn under myndigheitsområdet til kommunane, slik at det er meir relevant for dei å gje uttale. Men ein ser at forslaget frå lovutvalet kan få innverknad på brukarinteresser som er ivaretekne i verneforskrifta, i og med at utvalet foreslår å ikkje vidareføre moglegheita for å kunne transprtere gjester på vinterføre til overnattingsbedrifter som ligg langt frå veg. Nasjonalparkstyret ønskjer å påpeike at ei slik endring kan gje utilsikta konsekvensar for etablert næringsverksemd. Utkast til merknad utarbeidd av forvaltar har følgjande ordlyd:

Nasjonalparkstyret for Jotunheimen og Utladalen viser til referatsak i møte 12.09.2024, *Høring - NOU 2024: 10 - ny motorferdsellov - lov om motorferdsel i utmark og vassdrag*.

Lova ligg under kommunen sitt ansvarsområde, men gjeld også innan verneområde.

Nasjonalparkstyret registrerer at lovutvalet i NOU 2024:10 foreslår å vidareføre dagens ordning med at ein må ha løyve etter både verneforskrift og etter motorferdsellova når det gjeld motorisert ferdsel innan verneområde. I dei fleste tilfelle vil det vera verneforskrifta som er strengaste regelverket.

Nasjonalparkstyret viser til at situasjonen kan bli omvendt dersom lovutvalet sitt forslag til endring i reglar for transport av gjester til overnattingsstader blir vedtatt, jf. utdrag av kap. 20.3.4.6 *Særlig om drift av turistanlegg*:

«Utvalget foreslår også å presisere at bestemmelsen gjelder «betjente turistanlegg», for slik å avgrense mot ubetjente turistforeningshytter og private utleiehytter. Utvalget foreslår også å presisere at adgangen til motorferdsel bare gjelder transport av «personale og gods». Det er i Miljøverndepartementets rundskriv T-1/96 lagt til grunn at dagens bestemmelse også gir en viss åpning for transport av gjester til overnattingssteder som ligger langt unna vei, dersom transporten er nødvendig for å opprettholde driften av stedet. Utvalget foreslår ikke å vidareføre denne adgangen.»

Ved vern av Jotunheimen nasjonalpark i 1980 vart ei tilsvarande opning for gjestetransport innarbeidd i verneforskrifta, og dette vart vidareført ved revisjon av verneforskrifta den 14.11.2014, sjå forskrifta § 3 pkt. 6.3 m): *«Forvaltningsstyresmakta kan gi løyve til: m. Transport 2 gonger i veka på vinterføre av gjester som ligg fast, til turisthyttene Memurubu, Gjendebu og Glitterheim i samsvar med forvaltningsplan.»*

Nasjonalparkstyret har med heimel i denne regelen gjeve fleirårige løyve til dei tre bedriftene som dette unntaket gjeld, og har vurdert at den avgrensa transporten med inntil 2 turar i veka i samband med påskesesongen ikkje vil gå vesentleg ut over verneverdiane.

Dersom den nye motorferdsellova ikkje gjev opning for denne typen transport for bedrifter med lang avstand til bilveg, vil det bety at motorferdsellova vil innskrenke det som verneforskrifta for Jotunheimen nasjonalpark opnar for. Nasjonalparkstyret ber om at verknadene av lovforslaget innan dei nasjonale verneområda blir avklara på eit overordna nivå, og at det her blir lagt vekt på omsynet til etablert lokal næringsverksemd.

Vedtak

Nasjonalparkstyret sluttar seg til at foreslått merknad til ny motorferdsellov blir lagt inn i høyringsportalen til Klima- og miljødepartementet.

Referatsakene elles blir tekne til orientering.

ST 35/2024 Delegerte vedtak

Saksprotokoll i Nasjonalparkstyret for Jotunheimen og Utladalen - 12.09.2024

Behandling

Merknad: DS-32/2024 er feilaktig registrert som delegert sak. Den skulle vore ført under referatsaker.

Forvaltarane gav utfyllande informasjon om dei sakene det vart spurt om.

Vedtak

Delegerte vedtak vart tekne til orientering.

ST 36/2024 Nasjonalparkstyret for Jotunheimen og Utladalen - Delegeringsreglement

Innstilling frå forvaltar

1. Nasjonalparkstyret for Jotunheimen og Utladalen delegerer avgjerdsmakta for følgjande enkeltsaker til Arbeidsutvalet:

- Hastesaker som krev avgjerd før det er aktuelt å kalle inn heile styret og der forvaltningsplanen tilseier at løyve kan/bør gjevast
- Irreversible tiltak som byggjetiltak og terrenginngrep vert i utgangspunktet ikkje delegert, men AU kan i hastesaker likevel kunne behandle mindre tiltak som t.d. fasadeendring og mindre vesentlege terrenginngrep eller tilpassingar på eksisterande bygg og anlegg. Det er ein føresetnad at slike tiltak ikkje kjem i konflikt med verneverdiane,

2. Nasjonalparkstyret for Jotunheimen og Utladalen gjev nasjonalparkforvaltarane myndigheit til å treffe vedtak i følgjande saker av kurant karakter:

- Saker om motorferdsel etter dei spesifiserte dispensasjonsheimlane i verneforskriftene for Jotunheimen NP og Utladalen LVO.
- Mindre vesentlege tiltak som kjem inn under dei spesifiserte dispensasjonsreglane i verneforskriftene § 3 pkt. 1.3, som legging av klopper og oppsetting av skilt/vegvisarpilar langs etablerte stiar, samt naudsynte tiltak i samband med forvaltning av artar.
- Saker etter naturmangfaldlovas § 48:
 - a) når vedtaket gjeld fornying av tidlegare dispensasjon gjeve av nasjonalparkstyret eller arbeidsutvalet dersom føresetnadene for løyvet er tilnærma uendra,
 - b) når det ligg føre ein etablert forvaltningspraksis frå saker behandla av nasjonalparkstyret eller arbeidsutvalet i tilsvarande saker og
 - c) når forvaltningsplanen gjev eintydige føringar for utfallet av søknadsbehandlninga.
- Treffe vedtak i samråd med styreleiar når ei sak hastar fordi det er fare for skade eller annan negativ påverknad på verneverdiane; for eksempel stans av ulovleg forhold, pålegg om retting eller direkte gjennomføring.
- Behandle søknader om, eller på eige tiltak, endre fristar som er fastsett av nasjonalparkstyret.
- Gje utsetting av klagefrist etter forvaltningslova § 29 fjerde ledd.
- Gjera vedtak om utsatt gjennomføring etter forvaltningslova § 42.
- Gjera vedtak om oversending av saker til Miljødirektoratet med tilråding om å ilegge overtredelsesgebyr, etter at sak av tilsvarande karakter har vorte behandla av styret eller arbeidsutvalet.
- Oppfølging av ulovlege forhold der styret har behandla tilsvarande saker tidlegare ved å melde saka til politiet.

3. Delegeringa i medhald av pkt. 2, første kulepunkt, har følgjande unntak:

Dei større fleirårige løyva for motorferdsel til turisthyttene og Gjendebåten skal framleis leggjast fram for styret. Samla omfang av ferdsel knytt til desse løyva utgjer storparten av motorferdsla i Jotunheimen, og det er nyttig å ha ein samla gjennomgang av desse i kvar styreperiode for å kunne vurdere endra behov som oppstår over tid, og å fange opp eventuelle uheldige effektar og justere innhaldet i løyva ved behov. Dette gjev samstundes styra god innsikt i samla motorisert aktivitet og forholdet til verneverdiane.

4. Ved tvil skal forvaltar drøfte saka med styreleiar. Slik drøfting skal gå fram av saksutgreinga dersom forvaltar fattar delegert vedtak i saka.

5. Alle vedtak fatta av Arbeidsutvalet og nasjonalparkforvaltarane på vegne av Nasjonalparkstyret skal vere i tråd med naturmangfaldlova, verneforskriftene og forvaltningsplan.
6. Delegerede vedtak skal refererast for styret i komande møte.

--- slutt på innstilling ---

Saksprotokoll i Nasjonalparkstyret for Jotunheimen og Utladalen - 12.09.2024

Behandling

Forslaget er i all hovudsak ei vidareføring av gjeldande delegeringsreglement. I tillegg er det som gjeld oppfølging av ulovlege forhold lagt inn. Styret har tidlegare i eit enkeltvedtak delegert til forvaltarane å følgje opp ulovleg dronebruk i tråd med etablert praksis, og ein får nå som tillegg å kunne følgje opp saker for vurdering av den nye ordninga med lovbrotsgebyr / overtredelsesgebyr.

Merknad: stryke siste setning i siste kulepunkt av pkt. 1, da dette ikkje gjeld berre saker behandla av AU, men er ein generell føring som står i pkt. 5.

Vedtak

Samrøystes som innstillinga.

1. Nasjonalparkstyret for Jotunheimen og Utladalen delegerer avgjerdsmakta for følgjande enkeltsaker til Arbeidsutvalet:

- Hastesaker som krev avgjerd før det er aktuelt å kalle inn heile styret og der forvaltningsplanen tilseier at løyve kan/bør gjevast
- Irreversible tiltak som byggjetiltak og terrenginngrep vert i utgangspunktet ikkje delegert, men AU kan i hastesaker likevel kunne behandle mindre tiltak som t.d. fasadeendring og mindre vesentlege terrenginngrep eller tilpassingar på eksisterande bygg og anlegg.

2. Nasjonalparkstyret for Jotunheimen og Utladalen gjev nasjonalparkforvaltarane myndigheit til å treffe vedtak i følgjande saker av kurant karakter:

- Saker om motorferdsel etter dei spesifiserte dispensasjonsheimlane i verneforskriftene for Jotunheimen NP og Utladalen LVO.
- Mindre vesentlege tiltak som som kjem inn under dei spesifiserte dispensasjonsreglane i verneforskriftene § 3 pkt. 1.3, som legging av klopper og oppsetting av skilt/vegvisarpilar langs etablerte stiar, samt naudsynte tiltak i samband med forvaltning av artar.
- Saker etter naturmangfaldlovas § 48:
 - a) når vedtaket gjeld fornying av tidlegare dispensasjon gjeve av nasjonalparkstyret eller arbeidsutvalet dersom føresetnadene for løyvet er tilnærma uendra,
 - b) når det ligg føre ein etablert forvaltningspraksis frå saker behandla av nasjonalparkstyret eller arbeidsutvalet i tilsvarande saker og
 - c) når forvaltningsplanen gjev eintydige føringar for utfallet av søknadsbehandlinga.

- Treffe vedtak i samråd med styreleiar når ei sak hastar fordi det er fare for skade eller annan negativ påverknad på verneverdiane; for eksempel stans av ulovleg forhold, pålegg om retting eller direkte gjennomføring.
- Behandle søknader om, eller på eige tiltak, endre fristar som er fastsett av nasjonalparkstyret.
- Gje utsetting av klagefrist etter forvaltningslova § 29 fjerde ledd.
- Gjera vedtak om utsatt gjennomføring etter forvaltningslova § 42.
- Gjera vedtak om oversending av saker til Miljødirektoratet med tilråding om å illegge overtredelsesgebyr, etter at sak av tilsvarande karakter har vorte behandla av styret eller arbeidsutvalet.
- Oppfølging av ulovlege forhold der styret har behandla tilsvarande saker tidlegare ved å melde saka til politiet.

3.Delegeringa i medhald av pkt. 2, første kulepunkt, har følgjande unntak:

Dei større fleirårige løyva for motorferdsel til turisthyttene og Gjendebåten skal framleis leggjast fram for styret. Samla omfang av ferdsel knytt til desse løyva utgjer storparten av motorferdsla i Jotunheimen, og det er nyttig å ha ein samla gjennomgang av desse i kvar styreperiode for å kunne vurdere endra behov som oppstår over tid, og å fange opp eventuelle uheldige effektar og justere innhaldet i løyva ved behov. Dette gjev samstundes styra god innsikt i samla motorisert aktivitet og forholdet til verneverdiane.

4.Ved tvil skal forvaltar drøfte saka med styreleiar. Slik drøfting skal gå fram av saksutgreiinga dersom forvaltar fattar delegert vedtak i saka.

5.Alle vedtak fatta av Arbeidsutvalet og nasjonalparkforvaltarane på vegne av Nasjonalparkstyret skal vere i tråd med naturmangfaldlova, verneforskriftene og forvaltningsplan.

6.Delegerte vedtak skal refererast for styret i komande møte.

ST 37/2024 Nasjonalparkstyret for Jotunheimen og Utladalen - status og omdisponering av midlar til tiltak - 2024

Innstilling frå forvaltar

Budjetterte midlar til oppgradering og sikringstiltak på sti Vetti-Vettismorki blir omdisponert til andre stitiltak, da ein treng nærare avklaringar om ansvarsforhold ved bruk av rekkverk. Tiltak på denne stien blir teke opp til ny vurdering etter synfaring med fagperson våren 2025. Etter førebels kostnadsoverslag blir midlane fordelt slik:

Fullføring av klopplugging Øvre Leirungsdalen v/ Vågå fjellstyre: inntil 100.000

Besseggstien opp frå Memurubu og andre stiar ved Gjende v/ Lom fjellstyre: inntil 100.000

Oppgradering/utskifting av tavler på natursti langs Gjende ca 200.000

Nye skilt om Knutshøe, med tanke på vanskegrad og omsyn til verneverdiar: ca. 25.000

Til disposisjon øvrige reparasjonar på stinettet: ca. 25.000

--- slutt på innstilling ---

Saksprotokoll i Nasjonalparkstyret for Jotunheimen og Utladalen - 12.09.2024

Behandling

Vedtak

Samrøystes som innstillinga.

Budjetterte midlar til oppgradering og sikringstiltak på sti Vetti-Vettismorki blir omdisponert til andre stiltak, da ein treng nærare avklaringar om ansvarsforhold ved bruk av rekkverk. Tiltak på denne stien blir teke opp til ny vurdering etter synfaring med fagperson våren 2025. Etter førebels kostnadsoverslag blir midlane fordelt slik:

Fullføring av klopplegging Øvre Leirungsdalen v/ Vågå fjellstyre: inntil 100.000

Besseggstien opp frå Memurubu og andre stiar ved Gjende v/ Lom fjellstyre: inntil 100.000

Oppgradering/utskifting av tavler på natursti langs Gjende ca 200.000

Nye skilt om Knutshøe, med tanke på vanskegrad og omsyn til verneverdiar: ca. 25.000

Til disposisjon øvrige reparasjonar på stinettet: ca. 25.000

ST 38/2024 Jotunheimen nasjonalpark - dispensasjon - 2025 - organisert ferdsel - Styggedalsbreen – Breogfjell AS

Innstilling fra forvalter

Nasjonalparkstyret for Jotunheimen og Utladalen avslår søknaden fra Breogfjell AS om organisert ferdsel knytta til guida turer på Styggedalsbreen i perioden juni-midten av september. Avslaget er gjort med hjemmel i verneforskrifta for Jotunheimen nasjonalpark § 3 pkt. 5.2. Tiltaket er vurdert til å kunne være til skade for verneverdiene og verneformålet.

En dispensasjon vil kunne skape uheldig presedens og slik sett bidra til å påvirke verneverdier og verneformål i en negativ retning. Med henvisning til §§ 9 og 10 i naturmangfoldloven om føre-var-prinsippet og hensynet til økosystemtilnærming og samla belastning, blir det ikke gitt dispensasjon for gjennomføring av organiserte turer i sårbare områder for villrein, da dette vil skape uheldig presedens for seinere saker og medføre fare for stor samla belastning på de sårbare områdene over tid.

--- slutt på innstilling ---

Samrøystes som innstillinga.

Nasjonalparkstyret for Jotunheimen og Utladalen avslår søknaden fra Breogfjell AS om organisert ferdsel knytta til guida turer på Styggedalsbreen i perioden juni-midten av september. Avslaget er gjort med hjemmel i verneforskrifta for Jotunheimen nasjonalpark § 3 pkt. 5.2. Tiltaket er vurdert til å kunne være til skade for verneverdiene og verneformålet.

En dispensasjon vil kunne skape uheldig presedens og slik sett bidra til å påvirke verneverdier og verneformål i en negativ retning. Med henvisning til §§ 9 og 10 i naturmangfoldloven om føre-var-prinsippet og hensynet til økosystemtilnærming og samla belastning, blir det ikke gitt dispensasjon for gjennomføring av organiserte turer i sårbare områder for villrein, da dette vil skape uheldig presedens for seinere saker og medføre fare for stor samla belastning på de sårbare områdene over tid.

ST 39/2024 Jotunheimen NP - Avslag på søknad om dispensasjon - 2025 - Bruk av drone for filming - Visit Sognefjord

Innstilling frå forvaltar

Med heimel i verneforskrifta for Jotunheimen nasjonalpark, § 3 pkt 7.3, blir søknaden av 22.05.2024 om dispensasjon for bruk av drone for filming frå Nordre Dyrhaugstind, Soleiebotntind og Austanbottstindane i Hurrungane i Jotunheimen nasjonalpark avslått.

Villreinstammen i Vest-Jotunheimen er sårbar, og tiltak som bidreg til marknadsføring og auka trafikk inn mot dette området kan gå ut over verneverdiane og vere i strid med verneformålet. Det blir vist til vilkår sett i naturmangfoldlova § 48 om at dispensasjon berre kan gjevast for tiltak som *«ikke strider mot verneformålet og ikke påvirker verneverdiene nevneverdig»*. Begge vilkår må vera oppfylt.

Ein dispensasjon vil skape uheldig presedens og bidra til å kunne påvirke verneverdiar og verneformål negativt. Ved å vise til §§ 9 og 10 i naturmangfoldlova om føre-var-prinsippet og omsynet til økosystemtilnærming og samla belastning, blir det ikkje gjeve dispensasjon for filming for produksjon av destinasjonsfilm, då dette vil skape uheldig presedens for seinare saker og medføre stor samla belastning på villreinområdet over tid.

Formålsparagrafen i verneforskrifta legg vidare til grunn at *«Ålmenta skal ha høve til uforstyrra naturoppleving gjennom utøving av naturvenleg og enkelt friluftsliv med liten grad av teknisk tilrettelegging»*. I forvaltningsplanen er det vektlagt å bevare Hurrungane og dei andre grøne sonene som område med villmarkspreget, der ein skal kunne oppleve naturen med minst mogleg uroing.

--- slutt på innstilling ---

Saksprotokoll i Nasjonalparkstyret for Jotunheimen og Utladalen - 12.09.2024

Behandling

Vedtak

Samrøystes som innstillinga.

Med heimel i verneforskrifta for Jotunheimen nasjonalpark, § 3 pkt 7.3, blir søknaden av 22.05.2024 om dispensasjon for bruk av drone for filming frå Nordre Dyrhaugstind, Soleiebotntind og Austanbottstindane i Hurrungane i Jotunheimen nasjonalpark avslått.

Villreinstammen i Vest-Jotunheimen er sårbar, og tiltak som bidreg til marknadsføring og auka trafikk inn mot dette området kan gå ut over verneverdiane og vere i strid med verneformålet. Det blir vist til vilkår sett i naturmangfaldlova § 48 om at dispensasjon berre kan gjevast for tiltak som *«ikke strider mot verneformålet og ikke påvirker verneverdiene nevneverdig»*. Begge vilkår må vera oppfylt.

Ein dispensasjon vil skape uheldig presedens og bidra til å kunne påvirke verneverdiar og verneformål negativt. Ved å vise til §§ 9 og 10 i naturmangfaldlova om føre-var-prinsippet og omsynet til økosystemtilnerming og samla belastning, blir det ikkje gjeve dispensasjon for filming for produksjon av destinasjonsfilm, då dette vil skape uheldig presedens for seinare saker og medføre stor samla belastning på villreinområdet over tid.

Formålsparagrafen i verneforskrifta legg vidare til grunn at *«Ålmenta skal ha høve til uforstyrra naturoppleving gjennom utøving av naturvenleg og enkelt friluftsliv med liten grad av teknisk tilrettelegging»*. I forvaltningsplanen er det vektlagt å bevare Hurrungane og dei andre grøne sonene som område med villmarkspreget, der ein skal kunne oppleve naturen med minst mogleg uroing.

ST 40/2024 Jotunheimen NP – dispensasjon – motorferdsel - 2024-2025 - restaurering av gamle Vågåbue - Vågå Fjellstyre

Innstilling frå forvaltar

Nasjonalparkstyret for Jotunheimen og Utladalen registrerer restaurering av Vågå-bue som direkte heimla tiltak i samsvar med § 3 pkt 1.2 a) i verneforskrift for Jotunheimen NP. Hytta blir restaurert til mest mogleg opphavleg tilstand med gjenbruk av materialane som framleis kan nyttast, og tiltaket har tilslutnad frå fylkeskommunen som kulturminnestyresmakt.

For taktekking er bruk av stadeigen torv vurdert som miljømessig beste løysinga, og det blir

med heimel i naturmangfaldlovas § 48, første ledd, første alternativ gjeve dispensasjon for uttak av torv til både den gamle Vågåbue og til fjellstyrehytta med følgjande vilkår:

1. Torv kan stikkast på godt grasdekt areal i nærleiken av hytta. Uttaket skal skje i striper på inntil ein halvmeters breidde og med minst tilsvarende breidde på arealet mellom stripene. Jord/vegetasjonsmateriale som blir att etter torvmattene og restar av dei gamle torvtaka kan strøast utover stripene – jf. naturmangfaldlovas § 12 om miljøforsvarlege teknikkar og driftsmetode. Plasser torvuttaket i god avstand frå den gamle Vågå-bue.
2. Med heimel i § 3 pkt. 6.3 f) og nml § 48 får Vågå fjellstyre dispensasjon for bruk av snøskuter og motorbåt for nødvendig transport i samband med nedtaking og gjenoppføring av den gamle Vågåbue ved Gjendebu.
 - a) Eksisterande hytte blir demontert hausten 2024 og frakta ut av verneområdet for nødvendig restaurering hos Tessa Tre AS, i tråd med innsendt prosjektplan.
 - b) Transport med snøskuter og slede skjer på etterjulsvinteren 2025, når det er trygg is på Gjende. Det vil i tillegg vera behov for bruk av motorbåt for nødvendig transport av utstyr og mannskap i byggeperioden. Vågå fjellstyre vurderer eventuell samordning med andre oppdrag.
 - c) Motorisert ferdsel planleggjast godt for best mogleg utnytting av kapasiteten, og slik at ein unngår transport på helgedagar og i påska, jf. føringar i forvaltningsplanen.
 - d) SNO v/ Stein Windingstad varslast om transportperioder ved SMS eller e-post seinast dagen før (mobilnr. 957 09 933 / e-post stein.olav.windingstad@miljodir.no)
3. Etter bygging skal alt utstyr og bygningsmaterialar som er til overs ryddast og transporterast ut av verneområdet, jf. verneforskrifta § 3 pkt. 7.1.

--- slutt på innstilling ---

Saksprotokoll i Nasjonalparkstyret for Jotunheimen og Utladalen - 12.09.2024

Vedtak

Samrøystes som innstillinga.

Nasjonalparkstyret for Jotunheimen og Utladalen registrerer restaurering av Vågå-bue som direkte heimla tiltak i samsvar med § 3 pkt 1.2 a) i verneforskrift for Jotunheimen NP. Hytta blir restaurert til mest mogleg opphavleg tilstand med gjenbruk av materialane som framleis kan nyttast, og tiltaket har tilslutnad frå fylkeskommunen som kulturminnestyresmakt.

For taktekking er bruk av stadeigen torv vurdert som miljømessig beste løysinga, og det blir med heimel i naturmangfaldlovas § 48, første ledd, første alternativ gjeve dispensasjon for uttak av torv til både den gamle Vågåbue og til fjellstyrehytta med følgjande vilkår:

1. Torv kan stikkast på godt grasdekt areal i nærleiken av hytta. Uttaket skal skje i striper på inntil ein halvmeters breidde og med minst tilsvarende breidde på arealet mellom stripene. Jord/vegetasjonsmateriale som blir att etter torvmattene og restar av dei gamle torvtaka kan strøast utover stripene – jf. naturmangfaldlovas § 12 om miljøforsvarlege teknikkar og

driftsmetode. Plasser torvuttaket i god avstand frå den gamle Vågå-bue.

2. Med heimel i § 3 pkt. 6.3 f) og nml § 48 får Vågå fjellstyre dispensasjon for bruk av snøskuter og motorbåt for nødvendig transport i samband med nedtaking og gjenoppføring av den gamle Vågåbue ved Gjendebru.

- a) Eksisterande hytte blir demontert hausten 2024 og frakta ut av verneområdet for nødvendig restaurering hos Tessa Tre AS, i tråd med innsendt prosjektplan.
- b) Transport med snøskuter og slede skjer på etterjulsvinteren 2025, når det er trygg is på Gjende. Det vil i tillegg vera behov for bruk av motorbåt for nødvendig transport av utstyr og mannskap i byggeperioden. Vågå fjellstyre vurderer eventuell samordning med andre oppdrag.
- c) Motorisert ferdsel planleggjast godt for best mogleg utnytting av kapasiteten, og slik at ein unngår transport på helgedagar og i påska, jf. føringar i forvaltningsplanen.
- d) SNO v/ Stein Windingstad varslast om transportperioder ved SMS eller e-post seinast dagen før (mobilnr. 957 09 933 / e-post stein.olav.windingstad@miljodir.no)

3. Etter bygging skal alt utstyr og bygningsmaterialar som er til overs ryddast og transporterast ut av verneområdet, jf. verneforskrifta § 3 pkt. 7.1.

ST 41/2024 Utladalen LVO - Dispensasjon - 2024 - Bruk av torv fra Dovre til tak på bygg i Lauvhaugen - Lars Ove Skorpen

Innstilling fra forvalter

Nasjonalparkstyret for Jotunheimen og Utladalen avslår søknaden fra Lars Ove Skorpen om å bruke torv fra Dovre/østlandet i stedet for stedegen torv. Avslaget er gjort med hjemmel i verneforskrifta for Jotunheimen nasjonalpark § 3 pkt. 2.1. Tiltaket er vurdert til å kunne være til skade for verneverdiene og verneformålet.

Med henvisning til §§ 9 og 10 i naturmangfoldloven om føre-var-prinsippet og hensynet til økosystemtilnærming og samla belastning, blir det ikke gitt dispensasjon for bruk av torv fra Dovre/østlandet, da dette vil kunne medføre innføring av nye arter til området.

--- slutt på innstilling ---

Saksprotokoll i Nasjonalparkstyret for Jotunheimen og Utladalen - 12.09.2024

Vedtak

Samrøystes som innstillinga.

Nasjonalparkstyret for Jotunheimen og Utladalen avslår søknaden fra Lars Ove Skorpen om å bruke torv fra Dovre/østlandet i stedet for stedegen torv. Avslaget er gjort med hjemmel i

verneforskrifta for Jotunheimen nasjonalpark § 3 pkt. 2.1. Tiltaket er vurdert til å kunne være til skade for verneverdiene og verneformålet.

Med henvisning til §§ 9 og 10 i naturmangfoldloven om føre-var-prinsippet og hensynet til økosystemtilnærming og samla belastning, blir det ikke gitt dispensasjon for bruk av torv fra Dovre/østlandet, da dette vil kunne medføre innføring av nye arter til området.

ST 42/2024 Eventuelt

Saksprotokoll i Nasjonalparkstyret for Jotunheimen og Utladalen - 12.09.2024

Behandling

Vedtak

Det vart gjeve orientering om desse sakene:

Memurubu Turisthytte - ønske om tiltak i vassdrag

Det vart under synfaring 25. juni i samband med oppstart på kraftverket sett fram ønske om å kunne dele opp og flytte ein stor stein i Muru, da elva nå går mot austbreidda og grev i lausmassene mot flata ved lagerbygningane. Oppfatninga var at steinen vart liggande på tverke i elvefaret etter flaumen under uværet "Hans" hausten 2023. Sjekk av flyfoto frå tidlegare viser at steinen låg på same plass før, og at løysinga truleg ikkje er så enkel som å berre ta bort steinen. Det er nokså sannsynleg at det kan ha lagra seg opp lausmasser rundt steinen slik at straumretninga har endra seg, men dette er vanskeleg å vurdere ved høg vassføring. Nasjonalparkforvaltar vil følgje opp saka nærare og konferere med NVE ang. moglege tiltak.

Gjendebu Turisthytte - planar for oppgradering av avlaupsanlegg

Nasjonalparkforvaltar var med tiltakshavar og fagpersonar innan VA på synfaring 5. september, for å sjå på moglege løysingar. Det vart gjeve løyve til prøvegraving på staden, for å ha betre grunnlag for å vurdere kvar ein eventuelt kan etterpolere utslepp frå eit nytt reinseanlegg. Tiltak som dette skal strengt tatt behandlast av styret eller AU - jf. delegeringsreglement, men det å få teke ut nødvendige jordprøver for å vurdere infiltrasjonskapasitet ville bli svært ressurskrevjande om ein måtte ta ein ekstra tur dit seinare.

Tid til førebuing vart sett til 2 timar.

Neste styremøte er etter møteplanen 20. november. Møtestad. Valdres, eventuelt Teams. Lokalisering blir nærare vurdert når det nærmar seg. Hybrid møte med bruk av Teams for dei med lang reise vart etterspurt.